

առեալ զգրամս պարտօք : եւ զիջեալ Գրիգորի 'ի թա-
 խանձանս նոցա չօքաւ անդ , և վճարեաց զամենայն պար-
 արս նոցա , եւ դեգերեալ 'ի բազում աւուրս 'ի դրունս
 այլագգեաց վասն խնդրոյն Երուսաղէմի , շահեցաւ եւ ոչ
 ինչ : Ապա դիմեցին առ դեսպանն Գաղղիոյ և յայտ արա-
 րեալ զխնդիրն , ազաչեցին զնա լինել ձեռնտու և օգնա-
 կան , զի Յոյնք եւս յառաջագոյն առ սա դիմեալ էին . և
 ասի եւս թէ խորհրդով դեսպանին յետս առ Արքայ ըզ-
 թաթթի Շէրիֆն Հայոց : Իսկ դեսպանն խոստացաւ կա-
 տարել զխնդիրս նոցա , բայց սասց բերել առ ինքն զա-
 մենայն վաւերեալ գրեանս , խմանալ զմիտս նոցա , և ըստ
 այնմ կարող լիցի վերատին առնուլ զթաթթի Շէրիֆն , և
 տալ նորոգել զարձանագրութիւնս հրովարտականն Հայոց
 'ի դիւանն . զի Յոյնք եղծեալ և արտաքսեալ էին զայնս :
 Խոստումնս այս երկարեցաւ ամ մի ողջոյն . զի որքան սոքա
 թախանձէին , նա համբերեցէք ասէր , և ոչ այլ ինչ : Ի սոյն
 աւուրս եկին 'ի Կոստանդինուպօլիս Միքայէլ Կաթուղի-
 կան Սոյ , եւ իջեւանեցաւ յիւսկիւտար 'ի վանքն Երու-
 սաղէմի : (Հոկտեմբեր 18) . դարձաւ 'ի պատերազմէ վէ-
 զիրն մեծ առեալ զՊիլկրատ քաղաք , և եմուտ յաղթանա-
 կաւ 'ի Կոստանդինուպօլիս : Եւ Գրիգոր Պատրիարք եկն
 յեկեղեցի Ս . Աստուածածնի վասն գործոց Երուսաղէմի ,
 ուր լուաւ զմահ նուիրակ Յարութիւն վարդապետի , վախ-
 ձանեալ 'ի վանքն Շնքուշայ : (1739 . 'ի 23 Դեկտեմբերի)
 ըստ բանի Դեսպանին 'ի գութ շարժեցաւ Բէիզ էֆէնտին՝
 որ էր 'ի կողմն Յունաց , և ասէր թէ 'ի Հայոց այսչափ
 բայց բարութիւն , ինչ ոչ կարացաք առնել : Հուսկ ուրեմն
 միջնորդութեամբ Դեսպանին Գաղղիոյ նորոգեցաւ թաթթի
 Շէրիֆն Հայոց՝ եւ Արքայն վաւերեաց զայն ձեռագրով
 իւրով : Ընդ այս թախանձարեկ լեալ Յունաց , սկսան դե-
 գերիլ այսր և անջո , մանաւանդ թախանձել զԴեսպանն՝
 զի որպէս շնորհեաց Արքայ ասեն՝ հրովարտակ Հայոց ,
 նոյնպէս և մեզ շնորհեսցէ . և զկնի միոյ ամսոյ առին եւ
 նօքա զայն : Բայց հրովարտակք երկուց ազգաց զմի եւ
 զնոյն ունին զիմաստս , այսինքն Հայք և Յոյնք զոր ինչ
 ունէին յերուսաղէմ բաժին ժառանգութեան 'ի սկզբանէ
 և այսր , և որպիսի եղանակաւ վարէին անդ զպաշտամունս